



## Allagaatinik elektronikkikkut toqqortuinermi ilitsersuut

Ilitsersuutip ersersinniarpaa allagaateqarneq pillugu inatsimmi aamma nalunaarummi elektronikkimik toqqortuineq pillugu nassuiaatitaasa qanoq suliarineqarnissaannut sukumiinerusumik iliuusissaasut nassuiarneqarneri. Nassuiaatit immikkoortunut pingasunut agguataarneqarput:

- Allagaateqarnermut tunngasut
- Allagaateqariaasissat ilusilersorneri
- Toqqortaateqarneq atortussaajunnaarsitsinerlu (kassation)

Immikkoortumi 'Allagaateqarnermut tunngasut'-mi nassuiarneqarput oqartussani IT-systemit qanoq ittut taakkunanilu qanoq toqqortueriaatsimut periusarineqartussat Nunatta Allagaateqarfiata piumasaqaataat.

Immikkoortumi 'Allagaateqariaasissat ilusilersorneri'-mi allagaatinik toqqortueriaatsit qanoq ilusilersorneri sunillu imaqaarnissaat nassuiarneqarput. Nassuiaatip ersarissassavaa pisortaqarfiit tunniussinermi paasisassaat assigiinngitsut. Pisortaqarfiit IT-lerisuisa toqqortuinermi teknikikkut periusissat pisariaqartissinnaavaat taamaattumik tikilluaqqusaapput apeqqutini nalorniffiusuni allagaateqarfimmut saaffiginninnissaminut.

Immikkoortumi 'Toqqortaateqarneq atortussaajunnaarsitsinerlu'-mi IT-systemini toqqortuinermi atortussaajunnaarsitsinermilu maleruagassat nassuiarneqarput, taamatuttaarlu allagaateqariaatsit ilusilersoreernerini IT-systemimut toqqortat pisortat qanoq iliortarneraat.

## Allagaataateqarnermut tunngasut

**§ 2. Pisortat sullissiveqarfiutaasa toqqortaatimik, matumani ilanngullugit elektronikkimik toqqortat, piffissami sukulluunniit Nunatta Katersugaasiviata Allagaateqarfialu allagaateqariaatsit akuerisai isumannaatsumik suliarineqarnissaat toqqortarineqarnissaallu isumagissavaat.**

***Imm. 2.*** Pisortat sullissiveqarfiutaasa toqqortatik pisortat sullissiveqarfiisa allat toqqortaataannit immikkoortissavaat.

**§ 3. Pisortat sullissiveqarfiutaasa allakkanik toqqorsivimmiitanik suliaqarnerminni toqqortaqarnermilu, matumani ilanngullugit pappiarat uppersaataasut aamma elektronikkimik sulianut uppersaataillu aqunnerinut ataqatigiissumik aaqqissuussinerit (ESDH-**

mik ataqatigiissumik aaqqissuussinerit) uppernarsaatit digitalinngortitanut allagaatinut sikaaviit ataqatigiissumik aaqqissuussinerit tamatumunnga naleqquttut atussavaat.

**Imm. 2.** Ataqatigiissumik aaqqissuussinerit atorineqartut imatut periuseqarluni aaqqissuunneqassapput, inunnut attuumassuteqartut imaluunniit paasissutissat allanut oqaatigeqqusaanngitsut nassuitsumik oqaatigineqartunut aamma pivisorsiortumik siunertaqartunut, matumani ilanngullugit oqaluttuarisaanermut, kisitsisit atorlugit nassuiaasiornermut imaluunniit ilisimatusarnermut atasumik siunertanut taamaallaat atortinneqarsinnaassaasut qularnaassallugu.

Pingaarteqarpoq oqartussat inatsimmut naapertuuttunik IT-systeminik atuinissaat, aqutseriaatsimillu tutsuiginartumik pitsaasumillu qulakkeerinnissimassallutik. Makkuuppullu siullertut pingaarnertullu malitassat

- Systemip iluani paasissutissat piaarinaatsoornikkut tammartoorneqarnissaat upalungaarfineqassapput, assersuutigalugu akuttunngitsumik backup-iliortoqartassaaq.
- Paasissutissat susassaqqanngitsunit takoqqusaanngitsut sillimaffigineqassapput soorlu isissutissanik kodeliornikkut
- Paasissutissat suulluunniit systemip iluaniittut nassaareqqinnissaannut pitsaasunik sakkusaqartariaqarput (ujarliuteqartariaqarput). Systemi sulianik imaqarpat taava journalnormut, sags normut il.il. atorlugit ujarlersinnaaneq periarfissaassaaq.
- Sullissiveqarfii assigiinngitsut allaagaataat (data) akuleriittoortinneqarnaveersaassapput. Akuleriittoortinneqassappata piffissaq ungasinnerusoq isigalugu allagaatit ujarlerfigissallugit ajornakusoortorujussuussaaq.
- Nunatta Allagaateqarfianut systemi sivirusumik innarlerani atasinnaasoq (langtidsholbart format) tunniunneqassaaq.<sup>1</sup>

**§ 6. IT-mi ataqatigiissumik aaqqissuussaniittut allakkanik ilallit suliamut allakkat tamarmik attaveqartinneqassapput**

**Imm.2.** Suliat tamaasa pillugit paasissutissat nalunaarsorneqassapput, suliap suussusersinnaaneranut nassarinissaalu periarfissiuunniarlugit, matumani ilanngullugit:

- 1) suliap normua,
- 2) suliap taaguutaa,
- 3) suliamut akisussaasoq aamma
- 4) allakkanik nalunaarsuiffeqarneq, imaluunniit nalunaarsuineq nalunaarsuinerit suleriaatsimut allamut naapertuuttoq takuuk § 15, imm. 2.

---

<sup>1</sup> Sivirusumik innarlerani atasinnaasoq allagaateqariaatsip ilusilersornerivaa. Tamanna pillugu kingusinnerusukkat nassuiarneqassaaq.

**Imm. 3. Paasisutissat imm. 2-mi allaaserineqartut ataqtigiissumik aaqqissuussami tabelip oqaluttuassartaata ataatsimut nassuiaataani imatut uppenarsarneqassaaq, oqaluttuassartap ataatsimut nassuiarnera allagaateqariaatsimut ilanngussinnaassalluni.**

Pingaaruteqarpoq suliat (sager) nassaariuminassappata paasisutissartaqarluarnissaat. Siullermik pingaarnertullu suliaq (sag) suliamut tunngaqqissaartumik kisitsiseqassaaq. Nalunaarsueriaaseq ESDH-system atorineqartillugu taassuma systemip nammineerluni suliat tulleriaarlugit kisitsisilersortarpei. Taamaanngippat nammineq toortaalluni kisitsisilersuisoqassaaq. Kisitsit tassaasinnaavoq ukioq suliap aallartiffia kisitsimillu allamik malitseqartillugu (løbenummer).<sup>2</sup> Pingaarnepaavoq suliat assigiinngitsut assigiimmik kisitsiseqannginnissaat.

Kisitsisit saniatigut suliat aamma suunerannik taaguuserneqassapput. Pingaaruteqarpoq taaguusiussaq paasiuminartuullunilu imarisaanut naapertuutissasoq. Taaguusiussat naapertuuppata suliat kingusinnerusukkut nassaariuminartuussapput. Suliat aalajangersimasumik taaguusersornissaannut iliuuserineqarsinnaavoq malittarisassaliorneq, taamaalilluni assigiimmik periuseqarneq qulakkeerneqarsinnaagami. Taamatuttaaq iliuusissamik malitaqarnermi suliaq inuup allalluunniit taaguusersimagaluarpagu ajornangitsumik nassaarineqarsinnaassammat. Malittarisassaq tassaasinnaavoq; oqartussa qarfiup atia, systemip atia, piffissaq suliap aallartiffia.

Pingaaruteqarpoq allasallugu / erseqqissasallugu kina suliamik akisussaasuunersoq. Pissusissamisuussaaq suliamik ingerlatsisoq aamma suliamut akisussaasutut allaqqassasoq, kisianni ilaatigut pisariaqartillugu immikkoortorta qarfiup atia, ataatsimiititaliap atia il.il. allaannarneqarsinnaapput.

Naggataatigut suliaq nalunaarsorneqassaaq (journaliseres). Suliaq nalunaarsugaq tassaavoq suliaq qulequtakkaartumik nalunaarsuineri pilersaarut malillugu kisitsiligaq<sup>3</sup>. Suliani allani assersuutigalugu inuup normua allasallugu naammattarpoq. Allagaate qarfiup ilitsersuutaani allagaate qarfiullu peqqussutaanni pisortaqarfinni ataasiakkaani toqqortuineri atorunnaarsitsiarnermilu (kassation) tunngasuni takuneqarsinnaavoq kisitsisit sorliit qaqugukkut atorineqassanersut. Suliaq aalajangersimasooq nalunaarsorniaraanni ilitsersuummi imaluunniit peqqussummi kisitsisit sorliit atortussanersut nalornissutigigaanni allagaate qarfimmut saaffiginnittoqassaaq.

Imm.3-mut tunngatillugu tassani naqissuserneqarpoq sulianut nalunaarsorneqartunut paasisutissat sivisuumik atasinnaasumut toqquorueraatsimut (langtidsholdbare) kopimik Nunatta Allagaate qarfianut ilanngullugit tunniunneqarsinnaasut. Pisortat suliffiattut tamanna ulluinnarni imatut annertunerusumik eqqarsaatigisariaqanngilaq, pingaarute qarporli IT-systemimik nutaamik pisigaanni pisiffigisamit qularnaassallugu systemimi suliat paasisutissartai allagaateqariaaseq tunniunneqartussanngorpat ilaanersut.

---

<sup>2</sup> Løbenummer tassaavoq suliat tulleriaarneri malillugit kisitsisilersuineq. Assersuutigalugu; Ukioq 2016-imi suliaq siulleq pilersinneqarpat taaguuserneqassaaq 2016/1, suliap tullia 2016/2 tullilu taamatut alliaartuuartillugit.

<sup>3</sup> Nalunaarsuineri pilersaarut (journalplan) pillugu ilitsersuummi uani kingusinnerusukkut takuneqarsinnaavoq.

**§ 7. Suliat ataasiakkaarlutik paasisutissartaat nalunaarsorneqassapput, suliap suussusersisinnaaneranut nassaarinissaalu periarfissiuunnialugit, matumani ilanngullugit:**

- 1) allakkap taaguuta,
- 2) allakkap ullulernera,
- 3) allakkanut isertunut anisunullu: nassiussisoq/tiguisisoq,
- 4) toqqorsivimmiitiseriaaseq aamma
- 5) suliamut ilaaneq

**Imm. 2. Paasisutissat imm. 1-imi allaaserineqartut ataqatigiissumik aqqissuussami tabelip oqaluttuassartaata ataatsimut nassuiaataani imatut uppernarsarneqassaaq, oqaluttuassartap ataatsimut nassuiarnera allagaateqariaatsimut ilanngussinnaassalluni.**

Pingaaruteqarpoq allakkat suliat (dokumenter) pisortat IT-systemianiittut naatsumik erseqqarissumik qulequtalartarnissaat. Immikkut pingaaruteqartutut taaneqarsinnaavoq IT-systemimut toqqortuineri email-it qulequtsernagit toqqortunnginnissaat, sapinngisamik email-it qulequtserlugit toqqorneqartassapput. Qulequtserneqaratik siumut utimullu allaffigeqatigiittarnermi allakkat amerligaangata assigiimmik qulequtsersimannigikkaanni paatsiveerunnarsisarmata. Taamaattumik eqqumaffigisariaqarpoq email-it erseqqissumik imarisaanut naapertuuttumik qulequtaqarnissaat, taamaangippallu iluarsillugu allanngortinneqassaaq.

Tamatigut allakkani ersittassaaq qanga systemimut allagaq suliaq (dokument) ikkunneqarsimanersoq. Nalinginnaavoq iliuseqanngikkaluarluni nammineq systemimut ikkuttarnera, nalunartulli pillugit eqqumaffigisariaqarpoq systemimi ullulersuut (datomærkning) atuunnersoq.

Allakkat email-illu tamarmik allakkamik tiguisumik nassiussisumillu nalunaaqutserneqarsimasassapput. Tamatuma siunertarivaa allakkat akornanni ujaasisinnaaneq ajornannginerusoq, assersuutigalugu suliat assigiinngikkaluartut inummit ataatsimit email-it nassaarisinnaanissaat. Pitsaaquteqarpoq allakkat aallajangersimasumik maleruagassaarluni paasisutissat nassiussisumut tiguisussamullu nalunaarsuinissaq. Assersuutigalugu systemini assigiinngitsuni allakkanik nassiussisut tiguisullu kontaktpersonitut pilersinneqarsinnaapput, sumi sulisuuneri, inummut paasisutissat il.il. allaqqatillugittaaq.

Aamma toqqortueriaatsip ilusaa nalunaarsorneqassaaq. Systemini assigiinngitsuni allagaatit toqqortaatineqartut (tigussaasut) aamma nalunaarsorneqarsinnaasarput. Taamaattoqartillugu systemimi nalunaarsuineri erseqqissumik allaqqassaaq allakkat IT-mik toqqortaangitsut kisiannili allagaatit (tigussaasut) toqqortaasut sumilu inissinneqarsimanersut nalunaarsorneqassallutik. Taamatut iliornermut toqqortuineri paatsiveeruttoqannginnissaa

pineqarpoq. Taamatuttaa q siunissami allat atuisussat toqqortukkanik tammaasaqannginnissaat pinngitsoortinniarlugu.

Systemini assigiinngitsuni nalunaarsuiner mi toqqortueriaatsit assigiinngimmata toqqorsilerner mi periusissaq (standardinstilling) allakkanik digitaliusunut atorneqarsinnaavoq aammali allakkanut tigussaasunut (fysisk dokument) atorneqarsinnaavoq, kisiannili eqqaamaneqassaaq (standardinstilling) allannqorteqqaassamat allakkanut tigussaasunik toqqorsileraanni.

Pisortaqarfii ilaat sulianik pappiaraasunik suliaqarner mi saniatigut aamma allanik tigusaqartarput, soorlu atortunik (genstande) assersuutigalugu; pisattat imalt. nakorsaatit. Taamatut pisoqartillugu pingaaruteqarpoq aamma tamakku systemimut ilanngullugit nalunaarsorneqarnissaat, taamaattut tigusat assilineqarsinnaapput uppernarsaatitullu IT-systemimut ilineqarlutik.

Pisortat sullissiviisa arlaat nipinik immiussanik, videonik imalt. assinik pappiaraasunik tigusaqarsimappat allagaateqarfiup piumasarisinnaavaa tamakku digitaliserneqarnissaat IT-systemimullu iliorarneqarlutik toqqortornissaat. Taamatuttaa q allagaateqarfiup piumasarisinnaavaa immiussat, video-t assilluunniit cd-rom-imut USB-mulluunniit toqqortat IT-systemimut aamma iliorarneqarnissaat.

## **§ 8. IT-mi ataqatigiissumik aaqqissuussami, oqartussaasunit arlalinnit atorneqartumi, suliami uppernarsaatinilu nalunaarsuiffimmi, oqartussaasup sorliup suliaasaq uppernarsaalluunniit nalunaarsorsimaneraa takuneqarsinnaassaaq**

Siusinnerusukkut eqqaareerneqarpoq oqartussaasut assigiinngitsut suliaat uppernarsaataataallu akulerussuutsinneqassanngitsut. Taamaattumik pingaaruteqarluinnarpoq suliat immikkoortinnissaat nalunaarsuiner mi suliat pisortanut sorlernut atasuunersut erseqqissumik nalunaarsornissaat.

## **Allagaateqariaasissat ilusilersorneri**

### **§ 10. Allagaateqariaaseq tassaavoq paasissutissanik aaqqissuussineq, paasissutissat imarisai aamma allagaateqariaaseq pillugu paasissutissiineq.**

***Imm. 2.*** Allagaateqariaaseq paasissutissanik paasiuminaallisakkanik imaqqassanngilaq.

***Imm. 3.*** Allagaateqariaaseq piffissami killilimmeersunik paasissutissanik allakkanilluunniit eriaginartunik tamanik, paasissutissanik iluarsiiqqineqartarunnaarsimasunik ilaartorneqarunnaartunilluunniit, imaluunniit piffissami aalajangersimasumi piffissarpiamik

takussutissatut ilusilerneqartunik paasissutissanillu allagaatinilluunniit eriaginartunik tamanik imaqassaaq.

**Imm. 4.** IT-mi ataqatigiisumik aaqqissuussamit allagaateqariaatsimi allagaatit nalunaarsuinermut piffisaq nikisinnagu suliarineqarpata imaluunniit nalunaarsuinermut piffissap nikisinneranut atatillugu allagaatinik piffissamut nutaamut nuussinermi, allakkat allagaateqariaatsimut ilannguttut, IT-mi ataqatigiisumik aaqqissuussami imatut periuseqarluni nalunaaqutserneqassapput, allagaateqariaatsini tulliuttuni pinngitsoorneqarsinnaallutik.

**Imm. 5.** Allagaateqariaatsit allatigut tassunga najoqqutassanut, matumani ilanngullugit filet qanoq ittuunissaat paasissutissallu ilusissaat pillugit Nunatta Katersugaasiviata Allagaateqarfialu aalajangersagaanut naapertuutissapput. Najoqqutassiat Nunatta Katersugaasiviata Allagaateqarfialu nittartagaani tamanut saqqummiunneqassapput.

Suliat (data) tammatsaaliorlugit toqqortaatigineqassappata aalajangersimaqqissaartumik ilusilerlugit (format) allagaateqarfimmut tunniunneqassapput. Tassa datat allagaateqarfimmut tunniunneqartut formatimut piumasaqaatigineqartumut naleqqussarneqarsimassapput (formateret). Database toqqortuiviusoq naleqqussagaq taaneqartarpoq allagaateqariaaseq (arkiveringsversion). Allagaateqariaaseq immikkoortunut pingasunut avinneqarsinnaavoq; tabelit databasemi (datastrukturen), tabelit imarisai soorlu paasissutissat filillu allat (dataindhold) kingullertullu allagaateqariaatsip qanoq atorineqarsimaneranut takussutissaq (information om arkiveringsversion). Paasiuminarsarlugu assersuunneqarsinnaavoq Excelimut. Excelimi assigiinngitsunik immersuiffisaqartarpoq (ark). Databasep exceliminngaaniit allaanerussutigivaa, databasemi tabellet assigiinngitsut akornanni attavilersuisoqarsinnaagami (relationer). Assersuutigalugu attavilersuisoqarsinnaavoq tabelit tullerriaartunngorlugit. Assersuut; Arctic Winter Gamesimi unammeqataasut databaseliunneranni timersuutit unammissutaasut tabeliliunneqarsinnaapput taassumalu iluani timersuummi ataatsimi unaminissat assigiinngitsut ikkussuunneqarsinnaallutik. Databasep allaanerussutaasa ilaat tassaavoq, database kisitsisinik oqaatsinillu imaqarnermi saniatigut filinik allanik ammarneqarsinnaasunik imaqarsinnaammat. Tassa datastrukturip imarivai tabelit imminnut attavilerneqarsinnaasut, dataindholdip imarivai oqaatsit, kisitsisit filillu allat tabelinut ikkussuunneqartartut. Allagaateqariaatsip paasissutissartai tassaapput allatat (dokumenter) database suminngaaneerneranit, sumut qanorlu atorineqarsimaneranik takussutissiisut.

Allagaateqariaatsip ilusilersornera (arkiveringsversion) aalajangersimasumik sivissusilimmik piffissaliiffiusaaq, assersuutigalugu ukiunik tallimanik. Allagaateqarfik allagaateqariaatsip ilusilersorneranik aalajangersimasumik pigisaqarpoq, taannalu allagaateqarfimmut saaffiginnikkut pissarsiarineqarsinnaalluni.

**§ 11. Allagaateqariaatsimi paasissutissanik ilusilersuineq imaappoq:**

- 1) mappit ilusilersorneri
- 2) atassuteqarnermut paasissutissaateqarfiup ilusilersornera 1-itut nalinginnaasumik ilusilerlugu qaffasinnerusunngorluguluunniit, indexfile tableIndex.xml-imi oqaatigineqarpoq
- 3) XML-imimi indexfilet allat, allagaateqariaatsimi pingaarnertut imarisaa pillugu paasissutissanik ilusiliisut, filet tamakkerlugit allagaateqariaatsimi, uppernarsaatit ataqatigiinnerini amma digitalikkut uppernarsaatitarisinnaasaani.

Soorlu siusinnerusukkut eqqaaneqareersoq allagaateqariaatsip imarivai datastrukturi assigiinngitsunik tabelinik imminnut attavilerneqarsinnaasunik imalik. Datastrukturi pitsaassutsumik aalajangersimasumik peqassaaq (taaneqartartoq 1.normalform). Databasemik pitsaassutsumik nalilersuineri uuttuutaasinnaavoq tabelit assigiinngitsut imminnut attavilerneqarsinnaannginnerat. Arkiveringversionimi XML<sup>4</sup>- filinik peqartariaqarpoq taamaalilluni datastrukturi atuaruminarnerussagami. XML-filit allagaateqarfiup suliarissavai.

## § 12. Paasissutissat imarisai makkuupput:

- 1) Tabelit imarisaani paasissutissat pissusii assigiissaakkat amma
- 2) Digitalikkut allagaataasinnaapput, nippit, videot aamma nunap sananeqaataanut tunngasut paasissutissatut angissusilersorlugit assigiissaakkat.

Paasissutissat imarisai (datainhold) siusinnerusukkut eqqaaneqareersutuut tassaapput tabelit systemimilu filit assigiinngitsut. Filit toqqortugassat aalajangersimasumik iluseqassapput (format) taakkulu allagaateqarfiup aalajangertassavai, assersuutigalugu assit allagaatillu toqqorniaanni TIFF atortariaqarpoq. Filit allat soorlu PDF, word il.il. systemini assigiinngitsuni toqqorneqarsimasut TIFF-mut allannortinniaanni piffissarujussuaq atorneqarsinnaasarmat aallaqqaammulli TIFF-imut toqqortariaqarput.

## § 13. Allagaateqariaaseq pillugu paasissutissat makkuupput allaffissornermut atugassatut, paasissutissat imarisaannik IT-milu ataqatigiisumik aaqqissuussaq

Soorlu siusinnerusukkut eqqaaneqareersutut systemi sumut qanorlu atorneqarsimanera pillugu allassimasoqassaaq/uppernarsaateqassaaq. Allagaateqarnermut nalunaarummituulli taaneqartartoq allagaateqariaatsip ilusilersorneranut paasissutissat, aamma allatut taaneqarsinnaavoq; systemimik uppernarsaat. Uppernarsaat/allakkiaq imaqassaaq oqartussat

---

<sup>4</sup> XML ilusiuvoq (format) HTML-mut soorlu hjemmesidenut atorneqartartumut assersuunneqarsinnaasoq, kisianni atussallugu tamatigoornerusoq.

sorliit systemi atorsimaneraat, paasissutissallu suut databasemi imarineraat qanorlu database atorneqarsimanersaq.<sup>5</sup> Nalunaarsuinermi ilitsersuuteqaraanni, malitassaqaraanni imaluunniit allanik nalunaarsuilluni ilitsersuutaasinnaasunik peqaraanni uppersaaitit aamma atorsinnaapput ilaatigullu nammineerlutik uppersaaitit atorsinnaasutut naammattarlutik. Ilitsersuutinik qulaani taaneqartunik uppersaaitit peqanngippat imaluunniit amigartumik peqarpat pisariaqarsinnaavoq naqqaniit /aallaqqaataaniit uppersaaitissamik (dokumentation) sanasoqartariaqartoq. Taamatut pisoqassatillugu allagaateqarfimmiit pisortani sulisut ilaat systemip qanoq atorneqarsimane pillugu apersoneqassaaq. Uppersaaitip (dokumentation) ilanngunneqarnissaanut pequtaavoq siunissami systemimik atuisussat nalorninatik paasissutissat suut imarineqartarnersut ilisimaniassammatigik.

**§ 19. IT-mik ataqatigiisumik aaqissuussani, paasissutissanik katersisuni toqqortuisunilu, oqartussaasut sulinerannut (digitalimik ingerlatsinermut atortut) atatillugu pilersinneqartut imaluunniit pissarsiarineqartut, Nunatta Katersugaasivianut Allagaateqarfianullu nalunaarutigineqassapput, tamatuma kingorna ataqatigiisumik aaqissussap paasissutissat imarisai iluatinnartuunersut naliliissaaq. Taamaassappat Nunatt Katersugaasivia Allagaateqarfianillu akuersissutigineqassappat.**

***Imm. 2.* IT-mik ataqatigiisumik aaqissuussap pissarsirivinnissaa qaammatinik pingasunik sioqqullugu kingusinnerpaamik nalunaarutiginninneq pissaaq.**

Soorlu siusinnerusukkut eqqaaneqareersaq paasissutissat (data) allagaateqarfimmut tunniunneqartussat aalajangersimasumik iluseqassapput (format) taaneqartartumik allagaateqariaaseq (arkiveringversion). Taamaattumik pingaaruteqarpoq IT-systemimik nutaamik pisilinninnermi qularnaaqqaassallugu systemip imarisaa allagaateqariaatsip ilusilersorneranut naleqqussarsinnaanersaq. Tamanna allagaateqarfiup kisimi nalilersinnaavaa taamaattumik pingaaruteqarpoq systemi qanoq ilusilik atorneqarnersaq nalunaarutigissallugu. Nalunaarutiginninneq nunatta allagaateqarfiata hjemmesideani immersuinikkut pisinnaavoq. Immersugassaq annertunerusumik immersunngikkaluarlugu pingarnerinnaat allatorneqassapput, soorlu; systemip atia, kikkut systemimik tuniniaasuunersut / sanasuunersut aammalu oqartussanit kikkunnit atorniarneqarnersaq. Systemip pisinnaasaani apeqqutaaginnarpoq databaset assigiinngitsutigut attavilersorsinnaanersut (relational database). Tamanna apeqqut systemimik tuniniaasup nalussanngilaa akisinnaallugulu. Systemimik nalunaarutiginnereernerup kingorna allagaateqarfiup piumassarinnaavaa paasissutissanik sukumiinerusunik piumassalluni.

## Tunniussineq

---

<sup>5</sup> Uani assersuutigineqarsinnaavoq qanoq suliaq aallartissimanersaq qanorlu systemimi nalunaarsorneqarsimanersaq.



**§ 26. Allakkat toqqortaasivimmiititat elektronikkusut tunniunneranni, pisortat sullissiveqarfiutaata allagaateqariaatsitut iluseqarluni tunniussisoqarnissaa qularnaassavaa. Tamanna paasissutissanut allakkatigut uppersaatit, nippit, videot assitigullu atortut eriagisariaqartunut atuuppoq.**

**Imm. 2. Nunatta Katersugaasiviata Allagaateqarfialu eriagisariaqarsinnaaneq pissutigalugu, allakkat toqqorsivimmiititat allagartaasa allagaateqariaatsinut iluseqarlutik toqqortaatineqarnissaat, aalajangersarsinnaavaa.**

**Imm. 3. Nunatta Katersugaasiviata Allagaateqarfialu eriagisariaqarsinnaaneq imaluunniit naleqquttumik pissuteqarluni allagaateqariaatsip tunniunneqarnissaa pillugu piumasaqaammik immikkut akuersissuteqarsinnaavoq taarsiullugu atortussat allatut ilusilerlugit tigusinnaallugit, assersuutigalugu qarasaasiamit pappiaranngortitat.**

Soorlu siusinnerusukkut eqqaaneqareersoq allakkat (data) allagaateqarfimmut tunniutassat aalajangersimasumik iluseqartassasut (format), taasakkatsinnik – allagaateqariaaseq. IT-systemimik tunisaqartup pisussaafigaa allagaateqariaatsip ilusilersornera systemip imarisai (datastruktur aamma datainhold) aallaavigalugit suliarissallugu. Pisortat IT-systemimik atuisup piginnittuusullu tunisaqartoq akilissavaa. Tunisaqartorlu allagaqariaatsimik ilusilersuissaaq, pisortallu allagaateqarfimmut uppersassavaat ilusilersukkap atuutilerana, kingornalu allagaateqarfiup XML-filit suliarissavaat<sup>6</sup>. Tunisaqartup allagaqariaatsimik ilusileereerpat taava XML-filit aamma uppersaatit (dokumentation) allagaateqariaatsip ilusianut ikkunneqassapput.

Imatut assersuusiortoqarsinnaavoq:

Pisortat (myndighed) A suliffeqarfimmiit / tuniniaasumiit B-mit IT-systemimik pisivoq. Ukiut tallimat qaangiummata allagaateqarfik nalunaarpoq systemi allagaateqariaatsimik ilusilersuiffiqineqassasooq (arkiveringsversion). Taava Pisortat A-p tuniniaasooq B attavigivaa allagaateqariaatsimik ilusilersuisoqarnissaa pillugu, tamannalu tuniniaasup B-p naammassivaa. Suliffeqarfimmi tuniniaasumi B-mi naleqqussaanerup (konverteringsarbejdet) ingerlanneqarnerani pisortat allagaateqariaatsimut ilusissanik paasissutissanik misissuipput, allagaateqarfillu XML-filini pisariaqartinneqartussanik sanassaaq. Allagaateqariaatsimik ilusilersugaq pilersinneqarpat XML-filit uppersaatillu imassai (dokumentation) pisortaneersut ikkussuunneqassapput.

IT-systemimik tuniniaasooq (leverandør) allagaateqarfillu taakkuupput suliap ingerlanneqarnerani teknikitaanik isumaginnittussat. Pisortat suliffiattut akisussaaffiuvoq systemimik tuniniaasup allagaateqariaatsimik sanasup IT-systemimullu<sup>7</sup> paasissutissanik allagaateqarfimmut tunniussisup akilernissaa.

---

<sup>6</sup> Takuuk § 11.

<sup>7</sup> Nalunaarummi allagaateqariaatsimut paasissutissanik taaneqartoq.

**§ 27. Allagaateqariaatsimit paasissutissat eriajisariaqartut Nunatta Katersugaasiviata Allagaateqarfiatalu piffissani aalajangersagaani tamanut saqqummiunneqassapput.**

Allagaateqariaatsimik (arkiveringversion) tunniussisarneq ukiut tallimakkaartuunissa naleqqunnerpaavoq. Tassani peqquataavoq teknikikut ineriartortitsiarneq malinnaaffiginiarlugu.

**§ 29. Allakkat toqqorsivimmiitit aatsaat tunniunneqartut isigineqassappat, tunniussineq Nunatta Katersugaasiviata Allagaateqarfiatalu akuersissutigippatigit.**

***Imm. 2.*** Allakkat toqqorsivimmiitit allagartaasa tигunerini paasineqarpat, tunniussinermut piareersaanermik suliaq naammassineqarsimangippat, takuuk § 25, amigaatiti paasineqartut sullissiveqarfimmit tunniussisumit imaluunniit sullissiveqarfiup akiligassaanik iluarsineqassapput.

***Imm. 3.*** Elektronikkimik allakkat toqqorsivimmiitit tигunerani paasineqarpat, allagaateqariaatsip tamatumunnga malittarisassai naammassinningsut, takuuk §§ 10-13, allagaateqariaatsimi amigaataasut sullissiveqarfimmit tunniussisumit imaluunniit sullissiveqarfiup akiligassaanik iluarsineqassapput.

Allagaateqariaatsip ilusilersonera allagaateqarfimmut tunniunneqarpat allagaateqarfimmi kukkuneqarnersoq amigaateqarnersorlu misissorneqassaaq. Ippinnartoqarpat, assersuutigalugu; filet naleqqussarneqarsimangippata (konverteret) tuniniaasoq nalunaarfigneqassaaq iluarseqqullugu. Naliginnaasuvoq allagaateqariaatsip pitsaassusaa anguniarlugu arlaleriarlugu kukkunersionissaa. Pisortat allagaateqariaatsimik tunniussisuusut kukkunernik aaqqissuussinermut akiliisussaataapput.

## Toqqortaateqarneq atortussaajunnaarsitsinerlu (kassation)

**§ 30. Allagaateqariaatsip tunniunnerata kingorna paasissutissat tunniunneqartut nuutinneri *uppernarsaatit suliallu aaqqissuunneqarnissamut (oqaluttuarisaanermut paasissutissaateqarfik)* matoqqappata sullissiveqarfiup tигummiinnarsinnaavai.**

***Imm. 2.*** Paasissutissaateqarfiup oqaluttuassartaa taamaallaat toqqorsimaneqassaaq inatsimmi ilaani allami peerneqarnissanut piffissamut killigititanut akerliunngippat. Pisortat sullissiveqarfiutaata paasissutissaateqarfiisa oqaluttuassartaasa inatsisip ilaani allami peerneqarsinnaasut killigitit naapertorlugit peerneqarnissaat akisussaaffigaa.

Allagaateqarfimmut paasissutissat (data) tunniunneqarpata pisortat tunniussisut filit paasissutissallu allat systemiminni tигummiinnarsinnaavaat, kisianni tamakku aaqqissuuteqqissinnaajunnaarallarlugit (redigering) matuneqartassapput. Suliat (sag)

tunniunneqareersut pisariaqartinneqaqqilerpata suliamik nutaamik ammaasoqarsinnaavoq suliaareersumulli matuneqareersumut atassusernissaa eqqaamaneqassaaq. Taamatut ilorneq taaneqartarpoq; suliaareersunik toqqortuineq (historisk database). Inunnut ataasiakkaanut paasisutissat mianerineqartussat peqqutaallutik paasisutissanut inatsit (datalovgivning) killiliisinnaavoq qanoq sivisutigisumik suliaareersut toqqortat tigummiinnarneeqarnissaannut.

**§ 33. Elektronikkikkut allakkanik toqqorsivimmiitanik tunniussinermut atatillugu Nunatta Katersugaasiviata Allagaateqarfialalu nalilissavaa, digitalimik paasisutissat suut atatiinnarneeqassanersut, suullu atortussaajunnaarsinneqassanersut.**

*Imm. 2.* Pisortat sullissiveqarfiutaanni IT-mik ataqatigiisumik aqqissuussami paasisutissanik atortussaajunnaarsitsilluni peersisoqassanngilaq allagaateqariaasinngorlugit paasisutissat Nunatta Katersugaasiviata Allagaateqarfialalu tunniunneqartinnagit imaluunniit suliasamat tunniussinermut atatillugu Nunatta Katersugaasivia Allagaateqarfialalu atorunnaarsitsinissaanut aalajangiunneqarsimappata.

*Imm. 3.* Nunatta Katersugaasivia Allagaateqarfialalu imm. 2-mi piumasaqaatigineqartunut immikkut ittumik akuersissuteqarsinnaapput, tunniussineq sioqqullugu allakkanik toqqorsivimmiitanik toqqorsinissamat atorunnaarsitsiniassamullu naliliinissamat, tamanna pillugu pisortat sullissiveqarfiutaata sullissiveqarfiup toqqorsinissaamat inissakilliorneq tunuliaqutaralugu qinnutigippagu.

Allagaatit pappiaraasut initoorujussuusarput, taamaattumik oqartussat pisussaataapput allagaatit toqqortatigineqartariaqanngitsut atorunnaarsillugit igiinnarsinnaagaat (kassere). Allagaatinut digitaliusunut inissamillu sipaarfiunngitsunut paaaniaraanni allagaateqarfik attavigineqaqqaassaaq. Ukiut tallimakkaarlugit allagaateqariaatsimik tunniussisarnermi allagaateqarfiup nalilersortassavaa aalajangerlugulu allagaatit suut toqqortorneqassanersut suullu atorunnaarsillugit iginneqassanersut. It-systemimi toqqortuiffimmi inissamik ajornartoortilluni (ulikkaarfillugu) allagaateqarfik pisinnaatitsisinnaavoq allagaatit ilaat piarneqarsinnaasut.

**§ 35. Allakkat toqqorsivimmiititat, Nunatta Allagaateqarfianit atorunnaarsitsinissamat aalajangiunneqartut, Nunatta Allagaateqarfianut tunniunneqarsinnaanngillat.**

*Imm. 2.* Allakkat toqqorsivimmiititat atorunnaarsitassanngortitat aarlerinangitsumik periuseqarluni aserorterneqarnissaat oqartussaasut suliffeqarfiisa qularnaassavaat.

*Imm. 3.* Allakkat toqqorsivimmiititat, paasisuissaateqarfiup oqaluttuassartaata ilaatut inissimasunut, takuuk § 30, imm. 2-mi aserorterinissaq pillugu piumassaqaammut ilaanngillat.

Soorlu siusinnerusukkut eqqaaneqareersoq<sup>8</sup> pisinnaatitsissutaavoq paasissutissat (data) tunniunneqareersut naammassisutullu nalilikkat toqqornissaat, taakkulu taasarpaat; suliaareersunik toqqortuineq (historisk database).

---

<sup>8</sup> § 30 -mi